

ԹԱԹԱՐ ՊԱԶԱՐԻ կ'ասեն: Եւ անտի եօթն
 օրն եկաք բազում լերամբք եւ անտառախիտ
 մայրիւք եւ աղբերօք ի ՍԿՈՒԲ: Եւ կացաք
 անդ ԺԲ օր, զի ճանփան ահ կայր Լէվէան-
 65 նուն եւ հարամոց: Եւ կային անդ իրեք տուն
 հայի, պախչաճիք, խիստ հիւրասէրք եւ եր-
 կեղածք Աստուծոյ. որ ընկալան զմեզ առ
 ինքեանս ի պաղչան եւ մխիթարեցին զմեզ
 կերակրովք եւ անուշ խօսիւք, մինչեւ այլ
 70 քարվան եկաւ եւ ապա ի միասին ելաք: Իսկ
 կապուտ քարին՝ որ է կօզտաշի՝ մէտանն անդ
 է. եւ կին մի պառաւ ամալով կու բռնէ զայն
 մատէնն:

Եւ անտի հինգ օրն հազիւ հասաք ԵՆԿԻ-
 75 ՊԱԶԱՐՆ՝ անցանելով զմեծամեծ եւ բարձր
 լերինս եւ զխորածորս: Եւ ընդ ծործոր մի
 երթայր մեծ դեռ մի շառաչմամբ՝ ծուռ ու
 մուռ, որ մէկ օրն վաթսուն անգամ անցաք
 զնա ձիովք եւ ջորով: Եւ այնպէս նեղ եւ ան-
 80 ծուկ էր ճանապարհի շաւիղն, որ հազիւ ան-
 ցանէին զբաստք. վերեւն բարձր անտառա-
 խիտ քարավէժ լեռոն է, եւ ներքեւն հազիւ
 երեւէր ջուրն. մեք միջովն անցաք:

Եւ այնպիսի բարձր լեռոն մի անցանէաք,
 85 որ եւ զարեգակն չտեսանէաք. այլ մշուշ եւ
 պաղ քամի. եւ այնպէս մրսեցաք, մինչ զի
 ամէնքն յերիվարաց իջաք. եւ բազումք հի-
 ւանդացան ի սաստիկ ցրտոյն, թէպէտ օգոս-